

陳震異著

提倡國貨論

上海太平洋書店印行

陳震異著

提倡國貨論

上海太平洋書店印行

提倡國貨論序

夷考我國從前在閉關時代。人民生活。本極儉樸。所有一切日用。我國以地大物博。儘可自給自足。無須仰求外邦。溯自與英締結五口通商條約以後。其餘帝國主義者。率以礮艦政策。相繼迫開多數口岸。外而沿海沿邊。內而大城大鎮。盡行開放。洋貨如潮奔湧。到處充斥。又以時勢所趨。我國行將修訂關稅。日本則逼我允許在華自由設置工廠。製造各項貨物。而列強根據最惠國條款。又復要求特典均沾。致使華廠不能平等競爭。似此內外夾攻。我國經濟政策。毫無施展餘地。全國商場。盡爲洋貨獨佔。僅以國際貿易而言。每年洋貨進口。總是超過土貨出口。近則入超年達五萬萬元。而自同治三年。海關創刊年報。以還。訖民國十五年。前後六十三年間。洋貨入超價值。

已至四十三萬萬八千八百餘萬兩。約合銀元六十六萬萬元。若以各項外債及外人在華各種投資利益合而計之。當在一百萬萬元左右。漏卮如此之鉅。能毋不寒而慄。

近年帝國主義者。本其礮艦政策。時相威嚇。國人苦於武力不足對抗。羣採消極手段。實行經濟絕交。第其方法。太不澈底。甲國施用武力。則排甲貨。乙國施用武力。則排乙貨。輾轉輪迴。我只喫虧而已。近幸上下覺悟。僉言提倡國貨。視爲不二法門。顧夫國貨夥矣。何者爲先。方畧繁矣。何者爲急。爰不揣謏陋。特撰提倡國貨之標準與其方略二篇。詳述管見所及。以供國人參考。倘能上下一致。奮起提倡。俾國貨早日發達。漏卮速即抵銷。是豈著者之幸。抑亦國民之福也。是爲序。

民國十七年六月十二日

陳震異識於上海

提倡國貨論目次

上篇 提倡國貨之標準

第一章 緒言	一—三
第二章 棉紗	三一—一七
第三章 棉布	一七一—二一
第四章 呢絨	二二—二六
第五章 麵粉	二六—三〇
第六章 糖	三〇—三四
第七章 紙	三四—三九

第八章	染料	三九—四二
-----	----	-------

第九章	鋼鐵	四二—四八
-----	----	-------

第十章	煤炭	四八—五九
-----	----	-------

第十一章	煤油	五九—六五
------	----	-------

下篇 提倡國貨之方畧

第一章	緒言	六六—六八
-----	----	-------

第二章	政府提倡國貨之方案	六八—九四
-----	-----------	-------

第一節	取消國貨二五附稅系統各稅	六八
-----	--------------	----

第二節	徵收洋貨消費稅	七〇
-----	---------	----

第三節	頒佈國貨獎勵章程·····	八〇
-----	---------------	----

第四節	頒佈官廳學校使用國貨章程·····	八六
-----	-------------------	----

第五節	頒佈提倡國貨十訓·····	九〇
-----	---------------	----

第二章	實業家提倡國貨之方法·····	九四—一二七
-----	-----------------	--------

第一節	聯合經營·····	九四
-----	-----------	----

第二節	優待技師·····	九七
-----	-----------	----

第三節	延攬學者·····	九九
-----	-----------	----

第四節	懷抱遠大目的·····	一一〇
-----	-------------	-----

第五節	改善企業金融·····	一二四
-----	-------------	-----

第四章	民衆提倡國貨之要件·····	一二七—一二三二
-----	----------------	----------

提倡國貨論 目次

四

第一節 打破輕侮國貨思想·····	一一七
第二節 造成愛用國貨習慣·····	一一九
第三節 教導學生尊崇國貨·····	一二一

提倡國貨論

粵東 陳震異著

上篇 提倡國貨之標準

第一章 緒言

自濟案發生以來。國人憤於日本野蠻暴動。羣謀對付之策。同心協力。舉國一致。蓋此奇恥大辱。凡屬血性者。靡不義憤填膺。思欲大謀報復。斯固國人應有之心理。而亦人類本原之衝動。當茲軍事甫經完成。政治未及統一之時。對內解決。猶未痛快澈底。對外應付。自難採取武力貫澈主張。然日人侵占我疆土。虐殺我人民。日益加劇。兇焰愈甚。又豈能束手待斃。不稍予以反

抗哉。夫武力之積極反抗。既有所未能。則取消極之排貨。聊表國人之義憤。斯亦不可或少之手段。雖其效力不足謂爲充分。而于乘時提倡國貨。實爲莫大之機緣。

夫國貨種類夥矣。以製法言。有手工製品。有工廠製品。以巧拙言。有精製品。有粗製品。以日用言。有必需品。有奢侈品。性質既各不同。提倡亦各自有道。惟二十世紀立國之本。重在工廠製品。顧我經濟幼稚。技術不精。其力能製造者。則在粗製之物。而人生需用。則又以必需品。較奢侈品爲尤急也。

考我國工廠製品。自光緒十六年。李鴻章在上海創辦機器織布局以還。迄今三十有九年。其間發達。自有可觀。祇惜機製洋貨。受有馬關條約拘束。在租稅上。華洋均須同等待遇。華廠以資本技術管理經營。在在不如洋廠。至

卒尙未充分發展。而受在華日廠之壓迫。尤爲特甚焉。

吾人既以機製洋貨。爲現今亟應提倡之貨。但爲全體新式工業之基礎計。爲全國集中精力之經濟計。自應先其急者。而以餘力并圖其緩者。茲就吾人管見所及。謹述儘先提倡之貨如次各章。

第二章 棉紗

中國爲紗布消費最大之國。故其紡織事業之發達。亦較新穎。光緒十六年（一八九〇年）北洋大臣李鴻章以防止輸入之目的。乃于上海創立資本四十萬兩之官營織布局。是爲中國紡織工廠之嚆矢。越年成立機器紡織局。嗣因織布局被焚。後更名華盛紗廠。以圖再起。而湖北織布局。湖北紡紗局等。亦于此先後成立。光緒二十年。上海成立裕源紗廠。是爲最初之商

辦公司。其前途固有希望。然外人紡織之萌芽。肇于中日戰後。蓋以當時馬關條約。認可外人有在通商口岸經營製造工廠之權故也。其最初之外人工廠。爲由香港分設上海之怡和紗廠（英）老公茂（英）瑞記（德）鴻源（美）內外棉（日）等。相繼設立。大抵均以華人工資低廉。開銷節省。且藉此可免各本國企業者之受滙兌影響之不安。因是日見發達。而全體均獲良好成績。以迄於近時。勞工運動之惡化爲止。其中尤以日人紡織工廠與華商紡織工廠。當歐戰之中。大見發展。故中國全國之紡織設備。逐年膨脹。英紡因將德美系之工廠合併。大有稱豪一時之概。祇以經營不得其宜。今已陷入孤影寂寞之境矣。據華商紗廠聯合會民國十六年第七次編印之華商紗廠統計如次。

國別	廠數	錠數	布機數	工人	用花(擔)	出紗(包)	出布(疋)
華商	三	二〇三、五八	一三、四九	一六、六三	四、五〇四、五八	一、二六一、四八	四、二九、六九
日商	三	一、三〇、六六	一三、九一	六、四二七	二、七八五、四二	七、七、七九	四、七九、七〇
英商	四	一〇五、三〇	二、四八	一六、五〇〇	三九、〇〇〇	一三〇、五三	未詳
合計	一九	三、五四、五四	三九、六八	二三四、五四〇	七六八、〇三七	二、二九、八四九	八九九、三五〇

華紡以上海爲中心。總計全國各地共有七十二廠。其現在情形如左（民國十六年份）

工廠	上海	江蘇	直隸	湖北	其他	合計
粗紡	二四	一九	九	五	一六	七三
燃紗	七二一(千錠)	四三四	二七八	二五八	三五一	二、〇三二
	四三(千錠)	六	七	三	五	六三

織機	五、九一六(架)	二、四五八一	六、一〇	二、六五〇	八、二五	一、三四五九
工人	四九九(千人)	二八五	二〇八	一六七	二二五	一、三八六
消費棉量	一六、一五(千擔)	八二八	六六二	七五四	六六三	四、五〇四
棉紗年產	四四八(千捆)	二二二	一八四	一九三	二二二	一、二六一
棉布年產	二、二一九(千擔)	六九七	七二九	五七一	四一	四、二五九

【註】江蘇係指除上海以外之省內各地

投資總額。各公司或定爲銀元。或定爲銀兩。形形色色。且依各地價值而不同。故茲不能確計。然大致概算約有三億元左右。

我國華商紗廠。在民七八間。歐戰告終之際。異常發展。及至最近。顛連困苦。損失不支。考其所以致此。其故有五。分述于次。

一 紗廠以買棉賣紗爲其主要營業。然棉貴而紗賤。營業自然虧損。棉何由貴。國產不足。供不應求之所致也。

二 交通阻滯。捐稅繁苛。內地之棉。不能完全輸出。

三 外人有享用三聯單之利益。又持此單在內地採辦土棉。沿途概免稅釐。而華商則無此項權利。

四 華商不能直接購用外棉。多假手于外人。成本因之轉重。

五 連年戰爭。人民生計極窮。購買力薄弱。銷路阻滯。苛稅繁興。不得不低減紗價。急謀售脫。以免堆積。

最近市價。每十六支紗一包。成本達一百四十七兩。售價平均約爲一百三十四五兩。每包損失在十二兩上下。故出紗愈多。損失愈巨。華廠之不振。可

謂極矣。自民十以來。華商紗廠之倒閉者與易主者。計有大中華、寶成、裕大、華豐、德大、大豐、常州、大綸、裕泰、蘇綸、厚生、振華、太倉、恆大、福成、鼎新等十餘家。其存在各廠亦皆捉襟見肘。無日不在愁城之中。加以工潮膨脹。工資增加。時局不靖。銷路停滯。紡織業在此種環境之下。實有不能維持之勢。故今日關於紡織業之救濟。實不容忽視者也。

反觀在華之日商紗廠。則在過去十年間。其設備增至六倍之多。其總錠數已達一百三十萬錠。投資額概算爲二億八百萬元。茲據十六年統計。將日商紗廠在各地設備內容表列如次。

上	海	青	島	漢	口	東	三	省	合	計
工	廠	三	〇	八	一	三	四	二		

精紡	九四八(千錠)	二四五	二四	七四	一、二九一
燃紗	七七(千錠)	—	—	—	七七
織機	一一、四九四	一、六八二	三〇〇	五〇一	一三、九七七
工人	五八一(千人)	一四二	二七	四二	七九四
消費棉量	一、九〇二(千擔)	七五八	泰安	一二四	二、七八五
棉紗年產	四六七(千捆)	一八八	紗廠	三四	六九〇
棉布年產	三、八二九(千擔)	七八六	休業	一二四	四、七四一

以上日廠。若以公司區別之。則上海除內外棉、日華紡、同興紡、上海紡、豐田紡、東華紡之外。尚有屬於鐘淵紡織公司系統之上海製造絹絲及東洋紡織公司之分工廠。青島則有內外棉、富士紡、上海製造絹絲、長崎紡、大日本紡。漢口有日本棉花經營之泰安紡。東三省有滿洲紡（在遼陽）內外棉。